

# Hamschter Buebe.

1. Vom Globus-Dach will d'Frau Mortis  
Schlags zwelffi abegumpe,  
Doch d'Sittepolizey het Schiß  
Me sächere-n-under d'Dunte,  
Verbotte wird's, d'Lyf wärde wild,  
Doch der Reklamezwägg dä isch erfüllt.
2. E glaine Kopf, zwai diggi Arm  
E Bämse und Babbyr,  
Zwai Hosebai us Riesedärm,  
Das Mannli kost jo schier.  
Wo witem isch er ganz gerisse,  
Wo nochem gsesch, dä het in d'Hose — gmacht.
3. Dr Turnplatz koscht e Huffe Gälb,  
's Theater koscht no meh,  
E Raib voll Loos, d'Reklame schällt,  
Und jede kauft perseh.  
Bis zoge wird, wirsch du rächt alt  
Wenn nit der Schtaat dä laibe Schwindel zahlt.
4. Was isch das uff däm große Echta?   
Das isch e Gampiroß!  
Was will dert druff dä Bueb, dä glai?  
Dä goht fir d'Unschuld los!  
Zuer Techterschuel stoht ganz famos  
Dr Ma, dr Drach und au dr Styl vom Roß.
5. Drey mol tuel's glepse frieh am Tag,  
Denn schwygt das laibe Gschitz.  
Was isch, daß d'Barbara nit mag?  
Dr Zinder git doch Bliß!  
Dr Barbara geniegt halt nit  
Das glai Kaliber vo de hitige Lyt.
6. D'Platatzgesellschaft stellt wie zuem Schund  
Eggigi Eyle hi,  
Das frait in Basel jede Hund:  
's lauft kain meh dra verby,  
Im Fidleburger tuel das weh,  
Will er nit fa wie d'Hind um d'Egge — gseh.